

藤

陰

雜

記

藤陰雜記卷六

東城

吟梅居士

國初益都相國馮文毅倣廉孟子萬柳塘遺制旣建
育嬰會于文照寺傍買隙地種柳萬株亦名萬柳堂
毛西河奇齡喬石林萊作賦陳其年序朱竹垞記又
賦詩云不到閒園已隔年綠楊高並女牆連無妨並
馬橫橋渡更許深杯曲水傳徑仄易侵蘋葉小日晴
況有杏花妍舞雩幸忝從遊列澹沲春光過禁烟小
徑升堂步履偕隄沙遙築避塵霾歌翻驟雨新荷好

地比崇山峻嶺佳露井有花滋藥甲春衣無朽掛松
釵永和會後茲遊最稷飲蓬池未許儕益都致政門
生祖餞和詩傳汪蛟門懋麟都門人送賀知章潘稼

堂未東山身爲草堂留佳句如竹垞二首亦絕唱也
詩曰十里沙隄萬樹楊秋容猶未點新霜小車稷下
將歸日上巳城東舊醉鄉坐立部歌聽總好田園樂
事話方長千秋祖帳羸疏傳錄別尊前有和章白頭
許賜冷源閑青史難將諫錄刪此去耕漁尋舊侶且
憑絲竹解離顏開簾浴鳥階前水過雨斜陽檻外山

他日從游期莫定，強留嘶騎玉河灣。
陳澤州 是敬重
陽燕集詩，曉隨丞相鳳池頭。
晚接花茵想勝游，萬里捷書頻送喜。
一時佳節倍銷憂，松風有夢懷溫樹。
魚水多情羨野鷗，不盡謝公絲竹興。
邊機樽俎在前籌，勝跡王孫萬柳賒。
相公清興渺雲霞，黃塵漠漠雙蓬鬢。
艷蕊淒淒舊菊花，見說登臨猶昨日。
笑憐歲月屬官家，何時蠟屐陪歡燕。
也比參軍落帽紗，益都入朝出此詩。
示徐立齋相國，曰終當讓此公。

嚴繩孫

柳枝詞，丹禁城南小苑開。
萬株新柳拂烟栽。

相公論道歸常晚能踏沙隄幾度來問訊平泉金縷
枝陌頭飛絮可同時移根獨近金華露不向春風管
別離軟紅衝過六街塵剪綠搓黃別作春粦徑會憐
花似雪不能更要掃門人雨滋烟歛綠成行小小紅
亭曲曲塘應待相公修禊飲拂開萍葉送流觴薰風
躡柳遍春城可似章臺走馬情共指平津開閣地莫
教錯認亞夫營柳浪萍池自不扁黃鸝啼處綠冥冥
長安冠蓋渾無暇幾箇雙柑樹底聽踏青挑菜卻來
無譜出清明士女圖最想攀條人散後一庭涼月夜

啼鳥太平橋畔最氤氲
早許遊人蠟屐探但傍上林
眠起穩不妨搖落有江潭
年年三月關芳菲雨露常
沾在紫微不管淄川千萬樹
盡舒青眼望公歸

胡南荅次韻詩春入平泉萬綠分
清暉水木映斜曛
柳湖夜漾千林月松島晴歸衆壑雲
虹影雙垂穿樹
見鶯簧百囀隔溪聞
丹臺翠壁留題遍
休暇東山此
樂羣

康熙中馮氏將堂歸石文桂壁上盡刊其誥身供長
生祿位改寺曰拈花鮑西岡
鈐詩云野雲舊跡已消

沉故相遺墟尚可尋曲水當年修禊事荒池今日照
禪心空傳驟雨新荷調剩有山禽楚雀音怪底春陰
偏釀雪手寒無那強憑襟息壤長留並冶源風流誰
復更爭墩橋橫中島春水淺樹繞斜岡蔓草昏一自
鏡湖歸賀監長教祖帳說青門城南韋杜今無幾水
石平泉幸僅存又卽景詩叢薄莽無際秋聲寧在城
葦間聞釣樂林邠見山行漠漠渚花淡蕭蕭沙鳥清
峴亭何處是吳語一關情湯西厓詩橋壞誰裝新雁
齒水枯已斷舊魚梁尤感慨係之矣

嚴海珊 遂成詩盧趙風流去已賒野雲池柳有棲鴉

新荷驟雨瀟瀟夜寂不聞歌解語花手執珠槃集霸
才火城如畫綺筵開而今馬矢填車廐誰記平泉草
木來此乾隆初年也近則柳枯水涸橋斷亭傾石氏
石刻尚嵌壁上無復知爲益都別墅矣壁粘履郡
王七古覃字韵詩極爲盛衰感慨時余視東城擬往
鈔錄旋以卸事未果

高念東 珩亦園記萬縷將披細柳知濃陰行埒蘇堤
數尺自出清泉是神力驅成香海是萬柳堂又名亦

園馮益都亦園春興詩小築城隅柳滿隄綠雲低護
草初齊次首亂飄柳絮鋪新徑細數桃花過野塘是
園卽萬柳堂王橫雲和詩春濃亭榭護沙隄翠碧千
重柳帶齊吹去雜花迎緩鞦飛來好鳥喚扶犁輕陰
色散旃檀外科日烟濃漢苑西佳景欣當調鼎暇關
河極目暮雲迷嚴存菴

我斯

題亦園詩清時謝太傅

此地卽東山物我風塵外經綸魚鳥間幾人能後樂
半壑有餘閒吾亦忘機者披襟自往還濠梁秋水
上窈窕赤欄干石細縈書帶藤低礙簪冠樹聲千壑雨

雁影一汀寒絕似江南景憑誰把釣竿草堂開綠野
曲榭俯清渠最愛陶家柳還同杜甫居天高秋射隼
沙暖晝觀魚到處乾坤大何須賦遂初毛西河亦園
修禊詩曲江修禊已三年勝飲無如柳下偏地曠儘
教油幔接溪迴不礙羽觴傳沿隄草向春深發夾路
花從雨後妍陪得蓬山舊仙侶到來滿座盡雲烟良
會何須絲竹借春風處處遠塵霾東流水色清堪戀
北地晴光淺亦佳高柳隔簾拋粉絮新蒲刺水簇金
釵洛中禊飲年年事丞相同行豈易儕

沙窩門有放生池順治中浙人范思敬實創始焉初
范嘗夢到一院禪室懸木魚有人云東坡居此遂入
謁坡云吾有王文正公泥金書法華一部授汝坐側
有一人侍立云何姓覺而異之既放生池成延一老
宿居之范一日至院宛似夢中室懸木魚僧忽云有
一法寶今贈居士視之卽王文正公金書法華經也
室有募緣疏爲何御史書豈僧卽東坡後身耶池北
偶談

梁蕉林

清標

任司農時有秋碧堂刻晉唐法帖汪蛟

門懋麟

賦懋麟集詩秋碧堂中夜如水桂花正吐黃金
蕊抹麗含香夾竹紅水晶簾外冰輪起食譜茶經夙
講求玉盤新薦楓亭荔絳珀深凝鳳尾膠碧烟細瀾
龍團字又構蕉林書屋自題云半船坐雨冷瀟瀟仿
彿江天弄晚潮人在西窓清似水最堪聽處是芭蕉
淡烟晴日滿簾櫳春色依依上小紅客爲看花頻載
酒海棠開否問東風令城東莫考其遺址

程篁墩謂京師最盛曰梁氏園牡丹芍藥幾十畝孫
退谷謂梁園引凉水河水入其中亭榭花木一時稱盛

康熙中龔尚書招董玉虬

文驥

梁園李家莊汎舟觀

燈詩云此地足烟水當年幾溯游王橫雲有朱荔裳
招飲梁家園詩半頃湖光搖畫艇一簾香氣撲新荷
林間綠酒常浮月座上清歌迴遏雲沈心齋有陳以
樹招飲梁家園警露軒詩野曠天高敞八窓門前一
碧響淙淙舊聞考稱南極于魏村似又在左安門外
今莫知其址但知北城有梁家園空曠平原並無烟
水余已卯入都但見堆積糞上後築官房李吏部調
元寓焉築看雲樓有檻外遠山排闥繞樓前積水當

湖看之聯今有僧募葢壽佛寺設義學

先大夫官儀曹日偕同寅諸公穀雨後二日作城東
之遊賦詩云鳳城南望禁牆封馳道逶迤接九重宿
雨已滋金埒草流雲不散石壇松迴看城闕披橫幅
却話烟霞指遠峯曾是文明河上路朱魚唼藻寫春
容

三里河卽魚藻池
舊有元文明河

柳枝無力掛春衣太息池塘景

物非名士不隨陵谷變虛堂奈此管絃稀打鐘掃地
空諸相解帶量松驗幾圍回首沙隄行樂日紅燈官

馬載花歸

萬柳堂傾圯
特甚有感

崇文門外三條衢衢有查氏園施培叔朝質住時頻
訪林木葱蒨池館清幽未幾以無妄被議移寓城西
韋復嗣是遂無京官居住恐鞠爲茂草久矣

東便門至西便門三冬凍台設拖床坐人比車較省
鮑西岡詩云寥色起城隍堅冰致用良陸行宜殿脚
匡坐稱車箱方馬虞顛覆浮槎嘆渺茫何如溱洧上
滿載一床床吳白華消寒賦冰床聯句蔣蒼生有冰
床樂府

陳澤州三晉會館記尚書賈公治第崇文門外東偏

作客舍以館曲沃之人曰喬山書院又割宅南爲三
晉會館且先于都第有燕勞之館慈仁寺有餞別之
亭公兩以節鉞鎮撫四方爲善于鄉如此今北城有
三晉館規模甚狹東城賈第及館俱不可問

查他山京師中元詞萬柄紅燈裹綠紗亭亭輕蓋受
風斜滿城荷葉高錢價不數中原洗手花銅盤小拍
坐張燈手指東城滿月升從此夜遊涼似水漸無人
賣擔頭冰

史忠正閣部京衛人也後裔零落遺像鬻于廟市蔣

若生得之敬藏高東井

文照

賦詩云素練凜風霜鬢

眉怒欲張生原同信國死尚識雅陽心迹緋袍露江

流玉帶長南都成底業不画上明光太息琅邪政君

臣溺宴安中朝羣指馬四鎮日爭蠻運去功名沮忠

孤志力殫師門付衣鉢慷慨竟身完謂左忠毅

光斗

拔史公于童子場中許他日必爲非常人也

劉克猷

子壯

常夢爲朱之弼門生搢紳未見其名庚

午計偕入都僑寓黃岡會館下第步隣塾見垂髫童

子貌頗清秀見書包有朱之弼三字遂大驚愕詢其

家世寒微助以紙筆之資久亦忘邦嗣久困公車已
丑謁選強入禮闈朱已弱冠丙戌進士授給事中是
科分校遂出其房占大魁官終侍讀朱歷官工部尚
書徐東海誌墓有南莊在郊外查他山有詩今故第
後人俱莫可考

博晰齋

明

滿洲人王申編修外任府道改兵部郎中

博聞強識于京圻掌故氏族源流尤能殫洽老年類
放布衫草笠徙倚城東醉輒題詩于僧舍酒樓酒如
也人有叩其姓氏者答云八千里外曾觀察三十年

前是翰林又云一十五科前進士八千里外舊監司

藤陰雜記卷七

吟梅居士

西城上

朱竹垞于康熙己巳自古藤書屋移寓槐市斜街詩
云莎衫桐帽海樓鞋隨分琴書占小齋老去逢春心
倍惜爲貪花市住斜街屠門菜市費羸驂地僻長稀
過客譚一事新來差勝舊昊天寺近井泉甘考六街
花事引豐臺賣花者于每月逢三日至槐市斜街上
賣今土地廟市逢三則槐市爲今上下斜街無疑若

昊天寺近西便門昔王漁洋司寇曾同施愚山侍讀
訪王山史陳藹翁于寺觀唐子華水仙圖詩蒲車應
詔謝賓客城西古寺風蕭蕭殘碑老樹氣象古涼衫
重戴風神超八騶喧闐不到此兩三素侶還相要
今寺久作農田惟存古井

十二硯齋朱竹垞記中書汪蛟門

懋麟

僦寓宣武門

之右窮巷蕭然饴炊不繼久病夢入廣庭得石硯十
二枚寤而作歌因名其齋

朱竹垞集喬侍讀

菜

常闢一峯草堂于宣武門斜街

之南有看花歌云主人新拓百弓地海棠乍坼丁香含

查他山集去宣武門西半里有陋室十餘間從馬上望見老槐二樹亭亭出屋遂僦居焉爾雅連屋謂之移疏樓閣相連小屋名也因借樹以名集有移居二十韻詩屋今無考

徐司寇乾學集有同吳長庚光嚴存菴我斯蔡石公

啟傳徐方虎倬飲李將軍園亭詩宣武門西別業幽

羣公載酒共銷憂今亦無考

查他山飲朱竹垞槐市斜街新寓詩槐街舊與一峯
隣洒甕重開爲洗塵最愛今年春帶閨遲來猶作看
花人

朱竹垞曹贊善

鑑倫

移居詩後園虛閣壓城濠濺濕

跳珠牖口牢正好憑闌看洗象玉河新水一時高今
洗象在宣武門西河內其居必是上斜街

查他山同園看花詩結隣真喜近斜街步履尋春又
一回五日重來光景換早花零落晚花開又同園修
禊詩今無考

洗象詩名家集中歌行詞賦無美不脩獨漁洋竹枝一
絕云玉水輕陰夾綠槐香車衍轎錦成堆千錢更賃
樓窻坐都爲河邊洗象來可作圖畫

毛西河詩話宣武門竹林寺傍有酒家名頂泉居酒
名葡萄酒騎馬詣益都相公第必造飲同官張毅文
鴻烈往酌詩云竹林寺畔頂泉居井冽香甘新醅餘
今寺已無存何問酒肆西河又謂長安宴會方小徹
長班卽然提燈滿前除以促之今無此習

三忠祠在上斜街天啟中山西人建祀沁水張忠烈

銓襄陵高忠節邢佐大同何忠愍廷樞皆遼陽死事

者其鄉人以後之殉節者附祀近人馬壯節全牛毅

節天昇任總兵舉張總兵凌霞張總兵大經皆與焉

按馬全初名璟中壬申武探花官福建游擊與同官

某狎語失歡奮拳相角某敗走全騎追之及城濠橋

上相搏墮濠水中從者解紛至督轅復大譁事聞制

軍交劾罷時年未三十游京師相國傅公惜其材勇

留京營教習已卯改名全中式聯捷廷試技勇冠多

士遂以第一人及第前後兩登鼎甲亦古所未聞不

二年授江南提督從征金川殉木果木難弟瑀亦官
總兵任公金川陣亡勇畧見袁隨園墓碑子承恩官

提督張大經辛未武狀元

善果寺王漁洋有獨遊懷葉文敏方薦詩尙有遊寺

詩偶然偕素侶佛日到香林亭午無人處青苔滿院

陰三衣消瘦服半偈妙明心愛就魚山宿蕭條寫梵

音潘稼堂未詩慈仁樓閣浸參差幽賞無如此地宜

檮散人來休澣日懶殘僧話劫灰時一牕幡影看燒

笋滿院松陰聽奕棋多少龍山泥飲客籃輿風味有

誰知查他山詩高林鳴枯風院靜如潑水時有杖藜
僧下堦拾槐子寺有核桃數十株題詠多未之及

漁洋居易錄戊戌觀政兵部寓慈仁寺梁曰緝熙乙

未同年本不相識時以咸寧令行取入都亦寓寺中
遂與定交按公雙松歌贈許天玉梁曰緝言輞川雪
中之遊竹枝詞等篇皆戊戌寓寺所作漁洋有詢劉
公戡慈仁寺寓詩窈窕禪宮掩雙松歲月深披衣聞
石瀨宴坐理朱琴湖海三年別雲霄萬里心舅甥王
衛似相對發高吟蓋公戡亦寓寺彈琴故云

宋牧仲華筠廊偶筆慈仁寺窯變觀音以莊嚴妙麗

勝廟市見杞縣劉文烈理順書與馬士英書並列白

仲調廷評夢龍購劉書歸日不令與奸邪同列

漁洋池北偶談己亥于慈仁市上見客氏拜三字敝
刺宋克生以三錢得之賦客氏行予笑曰使當天啟
時此一紙過詔旨遠矣又買正德錢二枚背有螭虎
形

宋牧仲上元過慈仁寺買得崔鴻十六國春秋天下
名山記詩云華燈九陌掛春風獨買殘編古寺中蠟

展夙會師謝客紬書今始識崔鴻窻間冰雪歸堪把
月下笙歌興不同明日又愁公事擾西曹讀律技偏
窮

王橫雲雜咏詩慈仁寺裏海榴紅却與江南色相同
移向小庭閒佇立絳唇微語曲欄風又慈仁每月初
兼五松下朱闌列百廬亦有公卿來問直試評程尉
幾文錢高念東

珩

慈仁寺詩一月招提到幾回長松

百丈羽幢開市人熟識應含笑又向東廊看畫來孫

司空

在豐

竹枝詞臘後春前春未回燕京臘月少花

開明朝十五慈仁寺買取盆梅屋裡栽查他山

慎行

飲嚴侍御

曾舉

鸞枝花下作賣花聲裏過斜街不記

招尋月幾回只有繡衣真愛客印泥封酒必同開
僦居喜近慈仁寺移得鸞枝隔歲栽報到退朝今日早
東欄昨夜有花開

孔東塘

尙任

燕臺雜興云彈鋏歸來抱膝吟侯門今

似海門深御車埽徑皆多事只向慈仁寺裏尋
自注漁洋龍門高峻人不易見每于慈仁廟市購書乃得
一瞻顏色故古夫于亭雜錄云昔有士欲謁余不見

以告崑山徐司寇司寇教以每月三五于慈仁書攤
候之已而果然

慈仁廟市久廢前歲復興未幾仍止蓋百貨全資城
中大戶寺距城遠鮮有至者國初諸大第宅皆在城
西往遊甚便自地震後六十來荒涼已極近惟崇效
法源二寺春日看花餘寺無問津者矣若歸義紫金
不能舉其名也

慈仁寺毘盧閣馮益都詩云寶閣峻嶒俯帝京芙蓉
西望削初成龍窺方丈三更雨天假重陽一日晴入

眼黃花矜晚節舉頭鴻雁惜歸程
茱萸剩有仙人佩
池草何緣寄遠情
田山薑斐詩千層佛火出層雲面
對西山正夕曛
老樹風懸鵬鶚宅
荒原草長駱駝羣
秋生沙磧寒應早
水下天津勢漸分
側耳秋城聞戰鼓
登壇重起舊將軍

汪鈍翁說鈴王十一遷寓慈仁寺予往阻之曰子寓
慈仁寺不得不賦雙松詩恐損子名王傲然曰寓不
可不移詩那可便作今集載報國寺雙松贈許天玉
蓋是歲移寓作也歌詞雄偉沉麗與題相稱王旣爲

此言而其後竟爾操筆才人固自難量

姜學在于慈仁市上買得宣德窰青花脂粉箱陳迦

陵

維崧

賦滿庭芳詞云龍德殿邊月華門內萬枝鳳

蠟熒煌六宮半夜齊起試新粧詔賜口脂面藥花枝

裊笑謝君王燒堯翠調鉛貯粉描畫兩鴛鴦 當初

溫室樹官中事秘世上難詳但銅溝漲膩流出宮牆

今日天家故物門攤賣冷市閒坊摩娑怯內人紅袖

慟哭話昭陽箱後蹄揚商寵姬商寶意有詩

程周量

可則

嘗撫慈仁寺松歎曰長安諸賢率皆未

登庾嶺故使諸松浪得盛名亦賦雙松歌王樓村

式

丹亦有長歌

曹秋岳

溶

九日登高詩相憐皂帽俯長松斜日蓬蒿

古殿鐘層閣蕭條飛燕雀滿城蒼翠落芙蓉烽烟天
濶凭高恨沙塞花寒對酒濃江表何年還倦羽此身
終得伴孤筇

宋荔裳

婉

慈仁寺看海棠作維摩室外沙棠樹疑是

散花天女移嬌靨最憐終半放快遊不必定前期蝶
衣亂舞輕風下鶯語流連夕照時况有虬松堪徙倚

月陰集言 卷一
紅霞青籟晚參差

毘盧閣詩多名作獨查查浦絕句十三松下小回旋
傑閣毘盧尺五天笑指盧溝橋上影人隨車馬蟻銜
連高念東亦寓慈仁集有詩云緇塵不到梵王家鈴
語天風靜若譁客久能詩龍樹偈僧貧解餉虎邱茶
名山遙憶心先往帝里重來髮已華棲鶴禪房原自
好一枝休羨上林鴉又季秋登閣詩野色橫今古西
風滿帝州山寒雲外出水遠日邊流萬象秋皆靜浮
生倦亦休長松幽意愜少爲夕陽留

明憲宗建慈仁寺爲母后祝釐頌名畫百二十軸皆天堂地獄變相大毘盧閣高三十六級長廊四週城市郊原歷歷可睹仰瞻宮闕如傍雲霄俯瞰西山儼入襟袖殿前雙松當時已稱數百年物東一株高四丈餘偃蓋三層濤聲滿天西一株僅二丈餘低枝橫蔭數畝鱗皴爪攫以數十紅架承之阮亭作雙松歌又言其下可置數十席出總聖門爲海棠院皆僧寮也海棠榦數圍亦元時物閣後有密變觀音高尺許寶冠綠帔相極慈悲寺前後凡七層今毘盧閣改爲

平殿三間雙松竟輦入木殿海棠院今廢爲染衣之所
惟窰變觀音尚存仰荷

睿藻題詠珠龕寶座裝飾精嚴遊人瞻玩輒不能去
乾隆己丑秋同人往遊予亦有句云聯鑣出訪慈仁
寺一帶荒畦種野蔬髯叟久經悲火化金仙聞已罷
樓居珠龕白定瞻慈相翠竹黃花繞佛廬怪底絳蓑
曳環佩海棠月冷聽經魚

茶餘
客話

北墅緒言都門報國

寺毘盧閣內祀有觀音蓋窰變也明神宗時李太后
崇禮大士欲得一磁相奉之舉念間景德鎮窰中諸

器化一莊嚴法像綠衣披體晏坐支頤兩膝低昂左
偃右植手輪梵字篆法宛然獻之闕下懿旨命供于
寺俾都人咸知敬禮

張靖峯

衡

景州人順治辛丑進士官水曹郎貧不能

舉火一日貸錢過慈仁寺見書卽買歸展讀怡然忘
饑

歸義寺有遼初石幢查他山詩云地作隣人業苔侵
破廟堧兩工碑背字猶記會同年

筠廊偶筆宣武門外教子衡衡永慶寺最爲卑陋僧

文然居祖師殿前白楊古柏各二余寓北隣時過訪
師室無他物壁有聯云石壓筍斜出岩垂花倒開乙
卯再過已示寂賦詩弔之古菴如空山幽絕招提境
春風扣禪扉斜日林間靜小別二十年依然磬聲冷
不見白頭僧閒階踏松影

宋牧仲太宰登毘盧閣飲樵沙道院詩更從別巷訪
樵沙道院幽幽恢微尙院似在西城俟考

漁洋過聖果寺看桃花詩古寺尋春已後期東風猶
爲絳桃遲禪扉靜掩殘春雨細逐茶烟颺鬢絲寺亦

俟考

寄園爲高陽李文勤公別墅其西墅又名李園狄立人億于此設宴見姜西溟詩其後歸趙恒夫給諫吉

士改名寄園沈心齋閣學詩云大隱金門侶名園休沐宜輞川摩詰畫杜曲牧之詩簾亞文禽入花陰碧蘚滋家傳清獻鶴夜靜獨知詩胡南荅初夏小集有詩查他山九日遊詩縈成曲磴疊成岡高着樓臺短着墻花氣清如初過雨樹陰濃愛未經霜熟遊不受園丁拒放眼從驚客路長亦有東籬歸不得四年京

洛共重陽給諫休寧人子占浙籍中式被某劾之謫
官助教久住京師以寄園捐作全浙會館孫宮允
龍記稱爲明冉駙馬月張園址改爲寄園觴詠之地
後以父子異籍被浙人劾奏以寄園捐爲全浙會館
浙人建景賢祠以祀人但知給諫作寄園寄所寄其
宰交城平寇及續表忠記世無知者

張匠門

大受

有同顧俠君王玉衡上巳載酒月張園

詩故人載酒城西地狂客吹簫月上時王樓村有匠
門邀過寄園小集詩是匠門曾寓寄園

教子衡衡一宅畧有樹木亦指爲寄園故址王蘭泉

司寇昶寓時有蒲褐山房勒詩于石趙甌北翼比鄰

而居贈詩寄園本是吾家地輸與高人占清閼

寄園有梨一株踰常味李高陽居時嗜之後艾司寇

元徵徐漕帥旭齡趙給諫吉士接住餽以爲常癸亥

梨大熟甲子高陽薨梨隨枯甲子會辛卯同年在

朝者于寄園鄭山公王阮亭沈繹堂李奉倩等二十

九人甲戌惟鄭山公重王涓來澤宏王阮亭三人尙

列朝端距辛卯已四十四年二則見寄園寄所寄二

十九人中吾湖有姚陟山淳熹沈維菴上塘蓋辛卯

備副當時亦認同年

趙恒夫初令交城分校得馮雲驊丙辰翰林辛酉主

江南試拔胡任輿領解胡向夢有手弄雙元小天下

之句久困公車甲戌題爲孔子登東山章試後謁趙
于寄園恒夫曰子必大魁廷對果第一

松筠菴在炸子橋菴不祀佛塑幞頭神像相沿爲城

隍神五月擡像換水結會立碑饒而寂然菴僧將地

私賣丙午楊給諫壽楠李都諫翮視城訪知爲楊忠

愍故宅其時曹宗丞

學閥

阮司寇

葵生

鄭侍御

激

倡

議鼎新榜曰忠愍故宅仍號松筠司寇記畧云讀公
年譜嘉靖丁未年三十二成進士除南京吏部主事
辛亥陞兵部車駕司旋諫阻馬市廷杖謫邊壬子冬
復武選司癸丑劾嵩下獄是前後居斯宅者僅傳舍
耳而至今人心翕然愛護保持不忍暫輟蓋公之靈
爽日在天地雖烟雲草木一榻蘧廬猶令人繫思無
窮矧其退食修憩之所曾焚香而修諫草者耶又賦
詩云橋頭廟貌儼厯屨每一經行感慨隨竹院無僧

閑啜茗松窗命侶坐敲棋兩朝事往留遺宅一簣功
亮待紀碑當日曾經丞相步至今傳誦秀才詩按漁
洋集中筠作雲亦未指忠愍故宅集云康熙庚申高
念東侍郎

珩

居松雲禪舍馮益都

溥

過之流連竟日

高賦詩云戶倚雙藤梵宇開無人知是相公來相看
一笑忘朝市風味依然兩秀才馮荅云隱几僧寮戶
不開天親無著憶從來而今相對渾忘却祇識維摩
是辨才予和云二老前身二大士重逢半日畫爐灰
他年古寺經行處記取寒山拾得來又考徐司寇

乾

學

題忠愍書畫詩云從此馨香輝鼎俎至今岩谷鎖
松筠似因是菴而及漁洋撰高公墓志雲作筠

嚴宗伯

我斯

登玉皇閣詩城西傑閣俯晴空極目凭

闌興不窮雙闕烟生縹緲外萬山青在有無中題詩
舊日苔痕碧著屐重來柿葉紅莫惜登高佳節過好
攜尊酒送飛鴻閣在盆兒礪礪胡南茗冬日侍李容
齋夫子登城南玉皇閣詩仙臺冬旭似春融咫尺神
霄帝座通絳節葳蕤臨斗炁羽衣婀娜激天風亭空
鶴放餘霞外壑近龍吟一笛中誰道玉清香案遠姓

名元識太微宮自注是日丹壑醮壇丹壑名乎青十
六歲已未入翰林史胄司夔呈文定詩郎君館閣稱
前輩弟子門牆半列卿是也

王樓村

式丹

集慈仁寺東揚州會館移居詩大地鄰

虛總一塵冷官隨處可容身栽花樹柵間中事愛酒
憐詩我輩人桑下豈惟三宿戀槐陰也作兩家春却
思舊雨東西路千萬還應更買隣按揚館今在萊市
口離慈仁幾二里劉大山巖贈樓村移居詩碧山堂
裏老尚書二十年前此卜廬

藤陰雜記卷八

吟梅居士

西城下

長椿寺明孝定太后建以居水齋禪師有滲金多寶
佛塔高一丈五尺燕丹客話載小室藏佛像中二軸
黃綾裝裱與他軸異一繪九朵青蓮花捧一牌題曰
九蓮菩薩明神宗母李太后也一繪女像具天人姿
載毘盧帽衣紅錦袈裟題崇禎庚辰恭繪烈皇生母
孝純劉太后也今祇存一軸女像著千佛袈裟金書

智上菩薩四字游人赴寺展觀康熙中唐東江孫華

長椿寺瞻慈聖李太后御容詩云明代修家法徽音

冠史編宮闈風自肅母后世稱賢詔選良家入恩承

甲觀偏姁好常卻輦鈎弋乍披拳奕葉盤根李晉峯

太華蓮

釋氏稱太后為九蓮菩薩

觀津原近趙沙鹿本隣燕赤彘

騰光景蒼龍降蜿蜒祥來弓謁祭光卜玉簪全

用宋李宸

妃冲聖初臨極慈寧遂覩天車仍從輦後影不到簾

前壺教三宮穆坤儀萬國傳調元歸保傅預政戒中

渭浴爾公桑室觀禾鉤盾田經令鄧氏習寵異霍家

專章武能循禮陰鄉雅避權珠囊銀管啟帳殿玉鉤
褰妙畫臨吳絹清詞洒蜀牋丹青摩詰善點畫茂漪
妍無事常游藝多生本悟禪緇經梵夾字熟鼎水沉
煙金剌凌雲起珠宮匝地連中官領將作內府出緡
錢寶相裝彌勒仙真事偃佺璧釭巧匠綴玉釧鬼工
鐫蒼葛開香域伊蒲供淨筵赤頰爭赴集白足競駢
闐法乳三千界慈儀四十年恩施覃道俗仁性及飛
蠓武帳初辭御銀臺遂上仙通都簪素柰薄海遏朱
絃方恨珠襦卷俄驚玉璽遷定陵風瑟瑟源廟草芊

辛佛土三生願堯門一夢遄神孫誰似續緇侶當會
元社飯多年冷關齋宿世緣儀容猶宛在天帝忽胡
然紺髮分螺細金姿像月圓一椽留世守再拜肅心
虔長信繁華歇靈光浩劫延千秋金粟影常並法幢
懸乾隆壬午紀侍御復亭蔣太史士銓王員外顯曾

偕先君儀部公遊長椿寺見后像殘破鏤資裝裱貯
以錦匣蔣詩云聖像勒石傳琳宮觀自在身太后容
丹青畫本世罕觀京師梵宇分頒同城西舊有長椿
寺玉軸猶存尚方賜袈裟瓔珞天人裝靈氣浮空花

雨墜金粉半脫目有神老僧畧識娘孃尊當時諸佛
避寶座今日改紙黏梁塵昔輔神宗持國柄外有江
陵內慈聖諒闇不負託孤心嚴憚同欽蒙養正曉漏
聲中呼帝起長跼讀書寧恕爾不須定汝作官家須
知汝亦都人子煌煌慈訓天下平帝長唯賴張先生
九州富强天子孝報恩崇佛工繁興黃金布地恩難
荅嘉靖求仙換家法一時庫藏散浮屠請看堂中多
寶塔後來帑盡煩征輸國戚助餉多加誅皇兒泣隨
菩薩去六宮齋醮無時無可憐酣睡太妃側萬厯初

年還共憶世宗神祖善功垂仙佛如何難殺賊嗚呼
往事莫具陳重裝寶相開金輪槐花落盡香烟冷麥
飯誰人念老身先君詩云城西寺古仍前朝大祚長
椿創椒殿秋風葉落祇樹圍金塗銅塔光明見真容
一幅妙蓮花圓姿替月開生而當時布施出東朝史
言鉅萬貲無算斯地纔存刼後塵華鬢四照香雲散
毋乃繁興土木工豈知別結人天案定陵冲幼作天
子宗社危疑從此始大柄手付張先生五更講讀呼
帝起西城擊劍亦偶然家法森森必罪已大婚成禮

旋移宮舍飴弄孫吾老矣慈母何因種福田民安物
阜卽生天官家已享昇平運那不皈心結佛緣宮鄰
金虎一朝隔坐令門戶操戈鋌蜚書再出逐元老赤
挺一擊歸瘋顛政府調羹意良苦得似江陵初政否
寒食明年憶老身淚痕空洒昭陵土君不見風烟臺
榭小侯家轉眼銀鐙綻騎遮聞道九蓮親示現請看
千佛繡袈裟漁洋居易錄予過長椿寺見慈聖李太
后及田妃像皆白皙豐美田像有怨容徐華隱
有展田妃像詩妙相生前寫幽宮異日同先攜茂陵

嘉炎

盃後傍鼎湖弓東江詩不兼及時已無存

長椿寺爲讌集之地潘稼堂

未

有和重九益都公集

長椿寺詩纔陪秋契過山堂又赴離筵到竹房
隨地黃花皆粟里有人皂帽憶鱸鄉
籠紗句入禪心妙煨芋身貪佛日長
容得逍遙稱大隱侏儒不用笑東方
漁洋戊辰入都總憲立齋徐公邀飯長椿寺同集者
相國馮公刑侍高公健菴徐公

胡南茗

會恩

雨後過長椿寺夜集詩花宮過驟雨暑

月似涼秋積水空無際遙天翠欲流星花穿樹動人

語隔池幽永夕抒清嘯忘機一唱酬野屐乘涼發禪
關向夕閒聽詩逢舊侶燒燭話深盃槐雪虛檐落松
風古殿迴生來衣露滿清絕讀書臺又毘羅閣詩獨
立珠林縹緲樓憑闌顚氣接 皇州東連瀛海帆檣
集北望居庸紫翠浮黃鵠青冥千里暮疎砧碧樹九
門秋塵勞擾擾斜陽外悵望岩栖隔舊遊

朱竹垞送梁藥亭

佩蘭

長椿寺聯句詩九日倏已過

姜西溟

濕雲漫四郊森森長雨垂

朱竹垞

颼颼虛檐梢病

葉戀冷枝

梁藥亭

驚鳥盤空巢晨興踐夙約

陸射山

攬袂

皆貧交勝引雙樹林

魏禹平

宛若深山均藤綰三秋蛇

張漢瞻

槐舞千歲蛟頰柿迸露實

朱梅人

金英坼霜苞紅

的的吳莢

陳叔毅

碧茸茸秦瓦溝窺鼯鼯

湯西厓

戶網

牽蠟蛸蘇深鼻屨伏

查梅餘

篆古蒲牢哮啣魚晝浩浩

俞大文

墻鷄午膠膠光景歛明晦

姜

眺覽窮櫓櫟新耐

綠滿竿

朱

晚菰黃充庖豈意青豆房

梁

俄頃羅嘉肴

鳴薑膾紫蟹

陸

題糕餘彩貓子鵝新韭配

魏

鮮鯽枯

荷包已見雉膏登

張

况有兔首魚分曹玉鉤射

朱

角

力散盤拋急觴易沈頓

陳

緩帶便爬瓜一飲動一石

湯

載號或載呶同聲唱者和查含意漆在膠五言乍

妥貼俞十手爭傳鈔雖乏韶濩音姜肯使下里散合

并洵匪易朱顧我中心恆歸帆艤舳舻梁別騎籠鞬

鞢邏迤陟荒岡陸邪許寧長筭免泣卞和璞魏且誅

宋玉茅草縛不借履張泉酌喙然匏檳榔蕉椰荔朱

都蔗菱菰菱鷄頭祖竹萌陳翠羽官梅梢熟知江鄉

樂湯莫厭湖田磽招隱邱中琴查勵志賁上爰豈必

馬足塵俞逐逐營斗筭姜

陳其年重陽登高詩稊日從遊萬柳堂序成欲擬右

軍王好秋又過茱萸節野興還尋蘆蔔鄉望入關山
情倍迴閒餐茗粥話偏長濁醪粗飯身強健爲補登
高到上方戊申九日登長椿寺妙光閣詩與汝妙光
樓騁望他年無着與天親陳澤州集妙光閣爲龔芝
麓尙書建登覽有作云尙書遊暇經行處夕照殘花
寂寞紅馮益都有九日登閣詩今閣久傾重建未果
沈心齋閣學涵避暑阮氏園亭用少陵遊何將軍山
林十首韻詩莓牆紆匝緝宇聳雲霄自注園在長
椿寺左今則荒蕪空地盡蓋官房阮氏未識何人徐

華隱有陪合肥夫子招集妙光閣度曲看花二律

毛西河有陪益都夫子長椿寺觀劇詩春色融融起

化城棟花風發坐來清當軒一奏開元樂滿院如聞

上苑鶯張匠門 大受 有妙光閣看丁香花用昌黎出

遊詩韻韓文懿 葵 有戊午春讀書長椿寺詩今丁香

繁茂樹下可設數席惟律僧戒攜酒榼觴咏無聞查

他山步入一莖菴登妙光閣詩偶然聯客袂隨意叩

禪關門徑忽新改居僧出未還一尖城上塔幾點樹

頭山此處宜看雪危梯約再攀又同荊州兄過一莖

菴飲香林亭下詩尙書別業改香火付蘭若注亭爲
台肥宗伯所葺今莫可考

宏衍菴在醋張衡衡漁洋與施愚山看海棠詩韋杜
城南十萬家東風處處酒旗斜不知冷節匆匆過猶
見僧樓一樹花木魚鱗靜佛香遲日午風簾自在垂
好是維摩方丈室恰逢天女散花時庚午重過感懷
愚山云十年不見謝宣城日極澄江遠恨生白首重
吟枯樹賦江潭蕉萃庚蘭成紀太僕復亭曾寓此菴
門樓衡衡陳紫瀾宮詹浩移居詩數卷殘書一酒瓢

移家東去尙西郊畧無根柢萍浮水不費經營鵲有巢
知已忽成千里別歸期久愧北山嘲右安門近尋芳
路且喜春風上柳梢

憫忠寺詳見日下舊聞名篇絡繹不及複載昔謝文節
枋得北來羈寺中見壁間曹娥碑泣曰小女子猶

爾吾豈不汝若哉不食而卒王漁洋弔宋謝文節公
詩勤王信州兵買卜建寧市一片曹娥碑墮淚女兒
子近見卜硯集知公建寧橋亭買卜一畝硯程文海
銘永樂中出土三百年流傳至天津周月東焯寶藏

臨終贈查中丞

禮

攜之至京遍徵名輩題詠多七古

長篇紀太僕

復亨

詩云建安山下公潛走徒旅奔亡

惟石友側足橋亭卜肆中元黃血盡淚餘紅相看故

國俱何處墨湧蒼波卷朔風北去淒涼公不返墓田

寒雨空碑版同心賴爾表艱貞徧刻夷齊作誌銘遠

過一片寒陵石留伴千秋玉帶生滄桑閱世如公在

記得庚申渡遼海一時球壁感興亡敲火還飛紫電

光醉客滿堂誰敢唾開簾起坐月如霜贈來死友珍

逾玉猶見當時交信錄

見登

姚貞菴

汝金

詩云盈尺

橋亭硯會司卜筮功五靈求兆吉七聖告途窮嘆息
金甌破摩挲玉帶同結隣依李相譯梵陋房融當日
遭時否飛塵到處蒙摧殘留碩果隱遯學冥鴻蟄室
藏龍尾清流映彩虹墨濡蕉葉白吟泣杜鵑紅忍死
因慈母辭徵自潔躬那堪身向北祇有淚流東柴市
人同義香臺佛憫忠更無薇可食還假石相攻城功
姿猶潤丹鉛手已空堅牢完奴後轉徙老寰中燕俗
黃金貴查侯綵筆工偶然尋舊雨對此緬貞風珍重
寧緣物流連默抱衷之官珠乍返挿架卷仍充俄報

良朋逝方增遠思同意應仍趙璧膽似語秦銅幽壤
知心早遺孤治命崇半千年璞在一萬里誠通此段
關臣友都能見始終我詩非苟作名教在磨礪餘詩
見畢秋帆制府刊本篇長不錄

愍忠寺石壇傳爲唐太宗征高麗回瘞戰骨處趙甌
北翼詩一區開作塹萬骨聚爲屯豈乏功臣狗兼多
君子億生無半面識死比並頭嬌聊免羣鳥啄差無
餓虎蹲結蒲工不暇裹革例難援

寺旁明末侍御趙

謹

殉節葬此未及議卹乾隆二年

御史傳爲許奏請

賜謚忠愍建景忠菴滇人卽作會館一時徵詩甚衆
筠廊偶筆憫忠寺見唐貫休畫阿羅漢十六軸最奇
古今恐無存

聖安寺漁洋同施愚山宋牧仲聯句竹垞在寺餞曹
檢討稱寺藏金元帝后及旃檀佛像詩有畫壁商喜
留吳裝何詭麗絕筆追顧陸瓊珞雜佩璫等句崇效
寺在柳湖村西名流競遊竹垞過寺詩云繚垣途轉
曲入寺淖初乾尙有殘僧在同尋斷碣看白花秋細

細紅棗晚攢攢更上荒臺望遙山五髻盤宋牧仲秋

日同人遊聖安崇效二寺詩柳湖古寺市南頭芳草

閒房處處幽歲月已同遊伴改依然文讌此中留妙

像旃檀拜古芬消磨往蹟幾斜曛老槐自是金源物

不與長楸入舊聞

日下舊聞載楸遺槐

無塵別境許重尋

崇效寺楊

忠烈題無塵別境

異代翻教托慨深滿壁清詩不厭讀

王式丹

劉巖

翰墨愜余心王樓村

式丹

詩尙書清興屬蕭晨

坐寺烟光洽主賓莫訝門前駐車馬官場自有愛閒

人已公茅屋足茶瓜記得長安客裏家五十年來重

俯仰當檐一樹馬纓花

宋公五十年前寓琳宮畫像寺植花今合抱矣

事依稀碑版苔花冷夕暉多少停驂惆悵處不須重

問李宸妃撲棗僧空諸市塵蹤蹟照秋旻孟津

聲價當時重未抵楊公千載人

寺僧說王

會趁春光

碾小車松龕風葉又秋初巡檐遶柱看題句前度劉

郎我不如

春初偕劉大山題寺壁大山題句

吳荆山

士王

詩哦松朱夏湧秋濤蕭寺涼生興轉豪舊是城南聯

句處滿天詩色碧雲高繆湘芷

沅

詩停雲回憶殿西

頭種樹參天翠色幽五十年來一彈指松風解帶復

勾留湖烟柳翠杳難尋槐老楸荒落照臨小隊初過

挑菜圃緇徒送出棗花林郭子宮元好詩牆上籠詩

有碧紗十年辛火舊僧伽聖安寺是尙書寺不讓佳

名擅棗花

王漁洋改崇宋山言至詩憶陪蠶尾老尙

書棗剝空庭月上初草色依然僧磬冷夢回忽復十

年餘田樂園需有同孫子未過聖安寺觀畫壁慧明

上人出王文安公所遺飲器貰酒相餉晚歸記事詩

侵曉連騎出遠至柳湖村雨過天初霽灑灑溪流渾

山僧立板橋揖我入寺門荒草埋石徑殘碑插松根

披薜辨文字代歷唐宋元況有丹青手商喜畫壁存
像設三十六位置如弟昆上人頗好事禪榻開清樽
先輩貽飲器歷歷飲酒痕醉後擬題句留跡傳祇園
應不讓畫史兼可招吟魂嵇阮耽逸趣斜日行將昏
晚涼上馬去秋塍蟬聲繁按聖安寺金元帝后佛像
久移他處寺有好僧遁跡伏法後今惟一僧寺雖修
整古物蕩然入門蔬菜盈畦間植花卉門前樹影參
差想見柳湖風景崇效寺四季多花遊屐頗盛然無
塵別境不知何時洗去寺藏拙菴和尚紅杏青松照

時康熙庚午漁洋竹垞王昊廬查他山陳香泉孫松
坪俱有題句漁洋集稱拙公智樸盤山志雅有體裁
贈詩悉錄卷中百餘年墨瀋如新圖書姓名少司馬
印引首肅臺

方丈有王覺斯鐸大書靜觀二字時順治丁亥王年
五十六同遊者孫枚先廷銓宋玉叔琬趙韞退進美
吳天章雯崇效寺雪塢上人種竹詩崇效窻前竹幾
竿移來依舊碧檀欒敲風忽醒三生夢過雨真添五
月寒龍奮九霄驚霹靂鳳翔千仞愛琅玕塢中多少

我眉雪好養靈根歲歲看陳澤州有崇效寺看棗花
書雪塢詩後詩有棗林寺門過袁社少詩漁洋又有
甲戌五月望日宋山言至邀過崇效寺訪雪塢法師
看棗花同賦詩又雪中懷拙菴詩東望盤山三百里
年年結束負行滕是拙菴乃盤山僧常來駐錫雪塢
則崇效住持徐華隱與雪塢倡和尤多田山薑亦有
坐雪塢三語軒茶話詩二僧何幸也

阮吾山法時帆學士舊藏詩冊跋三十年前余從廟
市購一詩冊皆已未博學鴻詞翰林賦送邱季貞洗

馬回淮南之作詩翰各有可觀凡八人海鹽彭羨門
平湖陸義山嘉興徐華隱任邱龐雪厓東明袁杜少
長洲馮方寅寶應喬石林山陽李公凱也乾隆戊申
秋八月去時帆學士過余寓齋出此冊見示亦前數
公手蹟蓋同遊崇效寺看梅之作惟羨門石林二公
不與焉按邱洗馬南歸在康熙甲戌之秋距己未已
十有六年諸公尙同在館中其看梅諸詠未署何年
歲然詩中稱義山華隱宗伯學士公凱爲學士蓋已
在癸未以後是時羨門已歷少宰石林先以言河工

事罷歸距甲戌又十餘年矣是數君子子同年中氣
誼彌篤白首如新有足多者城南荒制歲暮衝寒半
月雨過淹留竟日緬冷客之勝致足見前輩風流而
雪塢上人手種雙梅待名流之展齒皆可作曰下舊
聞傳也時帆與余圍坐土垠展翫移時覺百年前風
會人物宛乎可想倘將此一冊留廟寺中俾與青松
紅杏圖同作山門之寶寧第結一重翰墨緣已耶時
帆式善

今大司成

接葉亭在爛麵衝衝中間湯西崖少宰居焉賦詩云

中丞宰木拱大令宿草深注四十年前傳雨臣

感丁

中丞居此沈礪房大令嘗寓云西崖咏齋中草木至

五十二首可謂蕃矣雍正時張南華

鵬翀

居之賦小

集牛字韻八首乾隆丁巳沈椒園侍郎寓吳少司馬

應蔡

招同人讌集首倡徐恕齋

以升

贈侍御詩牀休

論上下解各占西東詩派追初白官情共軟紅又感

懷次吳少司馬韻騶叫衝泥到荒亭感昔年風流穿

樹石裙屐已雲烟涼月奩開鏡深杯鯨吸川槐花蒼

砌滿好句讓羣賢周西陳

天度

感懷詩青棠如綫草

如烟閱世真成浩劫前日下林泉解若此人間壇坫

益淒然蝸行蠹壁餘殘壘蟲網疏窗罷輶絃熱客不

來賓從散春風夜雨落苔錢極寫荒涼之景後爲查

中丞

禮

祝芷塘

德麟

寓稍葺治倩王蓬心

宸

繪圖後

詩沈東田

世楓

詩愛此幽栖地偏居官巷中入門風

迹在小坐市塵空叢篠輕烟碧長林落照紅漸看秋

爽薦疎處引清風芷塘賦詩李葵堂

調元

八疊和韵

如百年魚藻思詩老一日鶯花付史公楸樹前庭韓

句裏桃遮小徑杜詩中雨屣送僧連寺近夜爐留客

竹床寒醉裏功名付桑落夢中富貴說槐安俱佳今
歸吳游園太史裕德

蓮花寺樹林荔鬱門徑極佳舊聞不載其名似是舊
菴修整今爲述職大吏行館

接葉亭對門大宅爲華亭王文恭公頊齡舊第堂曰

錫壽公會孫紹曾顯曾入詞館公孫祖庚保定太守

謁選道員癸未宴丙辰同徵鴻博劉文定曹文恭秀

先王廷尉會汾楊侍讀述曾申副憲甫陳太僕兆崙

錢宮庶載凡八人文定詩人間盛事傳衣鉢天上榮

光屬斗台謂太守繼文恭舉詞科時惟秀水朱稼翁
和孫

亦繼竹垞而舉海內惟此二人錢官度繪七清

圖太守補任宣州示袁隨園

故

亦同舉者因題尾云

酒置平津閣燈明錫壽堂風前懷祖德雨後對花光

人老太冠古園深水石蒼分箋賡白雪還似咏霓裳

有客登黃閣

武進

無人不白頭八仙才咏罷五馬復南

遊庶子丹青妙羣公翰墨留蕭疎松菊意莫忘歲寒

秋秦西巖座師爲太守埒餞送宣州詩控縱名韞四

十霜霓裳詠後賦長楊一樽上相歌驪曲八座中朝

半雁行亦指錫壽堂譙

爛麴術術水月菴額爲孟津王無咎書張匠門大受

有寒夜同顧嗣立彭廷訓集水月東院聯句送吳舍

人詩

增壽寺西有懺園乃王文靖公弟中丞燕別墅萬拓

坡光泰詩云小巷大街東園基近佛宮殘蟬斜照後

獨鳥亂烟中樹老藤全白籬荒棗半紅曲池無寸水

彈入薤門桐今更荒廢老樹猶存毛西河詩已見吳

畧不錄

顧俠君

嗣立

寓有晚翠閣查他山詩云依稀宣北坊

西角鴻爪留泥我亦曾似在西便門街無存

漁洋與鄭山公登九蓮閣詩憑闌試嘖望遠近一寒
林不見西山色蒼茫雲外深向聞閣在長椿寺妙光
閣之後今址

妙光閣建自合肥尚書近見定山堂集乃姬人善持
君所作卽所謂橫波夫人也歿殯長椿寺中尚書清
明感悼詩云石火平催白首春芳蘭折盡感芳辰布
金園濶忘家儉炊玉心枯念客貧化去魂歸無色界

悲來佛是有情人，讓他簾外雙飛燕。又見垂楊碧草新，又絕句生辰歲歲炷名香。幢蓋蓮花繡妙光，橫波仲冬三日生辰恒于閣中禮誦故云。

張黃門

惟赤

字螺浮有新園在棗林街合肥尚書過

飲詩云：柳市城闌百尺居，棗林街裏一囊書。螺浮有十年霜雪，老黃門之句一時名流爭和尚書觀。螺浮侍史龍梭演劇有，翩若驚鴻矯若龍。句是時久任黃門，遂有園林聲伎亦足以豪。

西城飯廠設增壽寺錢飲光

澄之

到京寓寺詩一路

風塵滿髻華解鞍便宿老僧家
房留官坐監施飯店
與人開帶賣茶庭樹午餘時
繫馬鐘樓日落亂栖雅
五更不睡驟車過鐸響鈴聲
枕畔譁知康熙初年施
飯卽在此寺

顧俠君

嗣立

家吳中有秀野堂京寓宣武門壕上背

郭環流雜蒔花藥查查浦顏曰小秀野並題云一片

波光拂檻流西山晴翠壓牆頭書聲燈影微茫裏差

勝蘄州隔秀州

余寓此隣

俠君自題云數間小屋傍城西

紙閣屏風新品題堪笑生涯同燕子春深到處好添

泥草堂春柳正鬢髮芳藥紅蘭漸著花生怕夢歸難
識路却教移得到京華按壕上今上斜街寓址莫考
余質官廨七年藤蘿成蔭丁香花放滿院濃香不得
已而遷去留別詩云秀野遺踪杳莫尋藤蘿滿架護
清陰七年蝸寄匆匆別嘉樹婆娑悵最深

丙辰鴻博微士來京若杭堇浦周蘭坡

長發

中笏

恒集接葉亭周送翁朗夫

照

詩嬾眠古巷聯裙屐接

葉高亭發嘯歌